



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ

Ո Ր Ո Շ ՈՒ Մ

-- հունիսի 2022 թվականի №-Ա
ք. Երևան

«ՀՐԱՉԴԱՆԻ ԷՆԵՐԳԵՏԻԿ ԿԱԶՄԱԿԵՐՊՈՒԹՅՈՒՆ (ՀՐԱՉՋԷԿ)» ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆԸ ՆԱԽԱՐԳՈՒՇԱՑՆԵԼՈՒ ՄԱՍԻՆ

Հաշվի առնելով, որ՝

- 1) Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) իրականացրած՝ «Հրազդանի էներգետիկ կազմակերպություն (ՀրազՋԷԿ)» բաց բաժնետիրական ընկերության (այսուհետ՝ Ընկերություն) կողմից 2021 թվականի 2-րդ եռամսյակում կատարված՝ ՀՋ-ԳՀ-ԱՊՁԲ/1-ԲՊ-03/16.03.21-ԱՄ, ՀՋ-ԳՀ-ԱՊՁԲ/3-ԴՎ-03/16.03.21-ԱՄ, ՀՋ-ԳՀ-ԿՍ-04-1/26.03.21-ԱՄ, ՀՋ-ԳՀ-ԾԹ-04-3/26.03.21-ԱՄ ծածկագրերով «Բենզին Պրեմիում, 8000լ», «Դիզելային վառելիք, 4000լ», «Կաուստիկ սոդա (տեխնիկական կծու նատրիում, ԳՈՍՍ 2263-79) 90 տոննա 100% կոնցենտրացիայի հաշվարկով», «Ծծմբական թթու (տեխնիկական, ԳՈՍՍ 2184-74) 88 տոննա 100% կոնցենտրացիայի հաշվարկով» գործարքների մոնիթորինգի արդյունքում պարզվել է, որ՝
 - ա. մրցույթների կազմակերպման մասին հայտարարությունները Ընկերության պաշտոնական կայքում և «Գնումների մասին» օրենքով նախատեսված հրապարակման ենթակա տեղեկատվության հրապարակման նպատակով գործող ինտերնետային կայքում անգլերենով հրապարակված չեն,
 - բ. նախքան գործարքների համար մրցույթ հայտարարելը Ընկերությունը շուկան չի ուսումնասիրել,
- 2) մոնիթորինգի արդյունքում կազմված վերլուծական տեղեկանքները ներկայացվել են Ընկերության կարծիքին, որի շրջանակում վերջինս 2021 թվականի նոյեմբերի 18-ի №172 գրությամբ հայտնել է, որ հայտարարությունները կայքերում անգլերենով չեն հրապարակվել մասնագետ

չունենալու պատճառով, իսկ որպես շուկայի ուսումնասիրություն հիմք են ընդունվել բանավոր հարցումները,

3) Հանձնաժողովի 2020 թվականի օգոստոսի 19-ի №273Ա որոշմամբ սահմանված՝ հանրային կազմակերպությունների գնումների կարգերի նկատմամբ պահանջների հնարավոր խախտումների փաստի ուսումնասիրության նպատակով 2022 թվականի մարտի 3-ից Ընկերության նկատմամբ հարուցել է վարչական վարույթ, որի վերաբերյալ Ընկերությունը ծանուցվել է Հանձնաժողովի 2022 թվականի մարտի 3-ի №ԳԲ/34.3-Մ4-3/678-2022 գրությամբ,

4) Ընկերության կողմից 3-րդ եռամսյակում իրականացված ՀՋ-ԳՀ-ԱՊՁԲ/1-ԲՊ-09/23.06.21-ԱՄ, ՀՋ-ԳՀ-ԱՊՁԲ/4-ԻՅ-09/23.06.21-ԱՄ և ԳՀ-ԱՊՁԲ/2-ՍԳ-09/23.06.21-ԱՄ, «Բենզին Պրեմիում, 7000լ», «Ինդուստրիալ յուղ Ի-50 տեսակի, 410լ» և «Սեղմած բն. գազ, 2500կգ» ծածկագրերով գործարքների մոնիթորինգի արդյունքում պարզվել է, որ.

ա. մրցույթների կազմակերպման մասին հայտարարությունները Ընկերության պաշտոնական կայքում և «Գնումների մասին» օրենքով նախատեսված հրապարակման ենթակա տեղեկատվության հրապարակման նպատակով գործող ինտերնետային կայքում անգլերենով հրապարակված չեն,

բ. նախքան ՀՋ-ԳՀ-ԱՊՁԲ/1-ԲՊ-09/23.06.21-ԱՄ և ԳՀ-ԱՊՁԲ/2-ՍԳ-09/23.06.21-ԱՄ ծածկագրերով գործարքների համար մրցույթ հայտարարելը Ընկերությունը չի ուսումնասիրել շուկան,

5) մոնիթորինգի արդյունքում կազմված վերլուծական տեղեկանքները ներկայացվել են Ընկերության կարծիքին, որի շրջանակում վերջինս 2022 թվականի փետրվարի 24-ի №61 գրությամբ ներկայացրել է 2-րդ և 3-րդ եռամսյակներում իրականացրած գնումների շուկայի ուսումնասիրությունները,

6) Հանձնաժողովի 2020 թվականի օգոստոսի 19-ի №273Ա որոշմամբ սահմանված՝ հանրային կազմակերպությունների գնումների կարգերի նկատմամբ պահանջների հնարավոր խախտումների փաստի ուսումնասիրության նպատակով 2022 ապրիլի 26-ից Ընկերության նկատմամբ հարուցվել է վարչական վարույթ: Նշված և 2022 թվականի մարտի 3-ից Ընկերության նկատմամբ հարուցված վարույթների ավելի արագ ու արդյունավետ լուծումն ապահովելու համար դրանք միացվել են, ինչի վերաբերյալ Ընկերությունը ծանուցվել է Հանձնաժողովի 2022 ապրիլի 26-ի №ԳԲ/34.3-Մ4-3/1302-2022 գրությամբ,

7) վարչական վարույթի շրջանակում Ընկերությունը 2022 թվականի մարտի 7-ի N°69, ապրիլի 12-ի N°104 և մայիսի 6-ի N°129 գրություններով ներկայացրել է 2-րդ և 3-րդ եռամսյակների գործարքների մասով շուկայի ուսումնասիրությունները և հայտնել, որ աշխատանքներ են տարվում Ընկերության ներքին գործընթացներն ավելի արդյունավետ կազմակերպելու համար,

8) իրականացված վարչական վարույթի շրջանակում փաստվել է, որ Ընկերությունը խախտել է Հանձնաժողովի 2020 թվականի օգոստոսի 19-ի N°273Ա որոշմամբ սահմանված՝ հանրային կազմակերպությունների գնումների կարգերի նկատմամբ պահանջների 33-րդ կետի պահանջը՝ իր պաշտոնական կայքում և «Գնումների մասին» օրենքով նախատեսված հրապարակման ենթակա տեղեկատվության հրապարակման նպատակով գործող ինտերնետային կայքում 2021 թվականի 2-րդ և 3-րդ եռամսյակում իր գնումների կազմակերպման մասին փաստաթղթերը անգլերենով չհրապարակելով,

և հիմք ընդունելով «Էներգետիկայի մասին» օրենքի 42-րդ հոդվածի 1-ին, 4-րդ մասերը և «Հանրային ծառայությունները կարգավորող մարմնի մասին» օրենքի 19-րդ հոդվածի 2-րդ մասը՝ **Հանձնաժողովը որոշում է.**

1. Հանձնաժողովի 2020 թվականի օգոստոսի 19-ի N°273Ա որոշմամբ սահմանված հանրային կազմակերպությունների գնումների կարգերի նկատմամբ պահանջների 33-րդ կետի խախտման համար Ընկերությանը նախազգուշացնել:
2. Սույն որոշումն ուժի մեջ մտնելու պահից երկամսյա ժամկետում կարող է բողոքարկվել Հանձնաժողով կամ Հայաստանի Հանրապետության վարչական դատարան, և դրա բողոքարկումը չի կասեցնում որոշման գործողությունը կամ կատարումը:
3. Սույն որոշումն ուժի մեջ է մտնում Ընկերությանն օրենքով սահմանված կարգով իրազեկելուն հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝**

Գ. ԲԱՐԱՄՅԱՆ